

天士
生後一千九百三十一年

聖清音集

北京主教林准

思正恩言序

蒙以養正聖功也余於康熙甲午年將天主耶穌三
十三想經爲題限韻編詩名思正恩言克安巴師端
友馮師准令幼童傳讀迨司教索公蒞事荷蒙鑒定
閱己巳年已八旬兩目雖盲寸懷未息謹按前詩逐
句揣摩心維口誦時老楞佐王子英道長樂於贊襄
撥冗促書自春徂夏得詩二百四十六首句曰思正
恩言噫嘻瓦缶難聞空言莫補敢云將死之人其言
心善耶

赭山楊多默

第一想

天主聖子因聖神降孕於聖母瑪利

亞

綱常倫理共西東復命歸根道已窮眞主眞人兼兩
性迺神迺聖顯奇工尊親無對謙爲婢貞淨懷胎孕
亦童後起乾坤先子母古今同在再新中

12 x 32

第二想

吾主耶穌誕生於瑪利亞之童身

誕聖山隅節正冬祁寒子夜顯音容有名有姓家何
在無害無災道不從長服數層堪襁褓馬槽一榻受
塵封廣楊用表神人主榮福安和萬世宗

第三想

吾主吉音天神以報牧童又於空中

作樂

橫流不返倒如江救世親來世莫降郊外牧童聞捷
報空中律呂奏新腔吉音未徧東西海福德先通上
下邦一自鼓吹佳句後餘聲盈耳頌無雙

第四想

吾主初誕生受瞻拜於牧童

前賢望主越千支童豎承恩幸及時不顧冰霜忙極
目爭先頂禮盡餘恩萬民樂事人俱夢一路歡聲孰
與知有意相從呼與吸牧兒千古是吾師

第五想 吾主依古禮受割損乃立耶穌聖
自天喚號永昭垂儀注還依古教規異日必傾全體
血初生先受一肢虧從無聲嗅辭難頌具有音容名
可隨念念毋忘救世者神欽魔懼福常綏

第六想 吾主見朝貢於三王

東方三后最稱奇暫別臣民樂此疲容易台垣輝景
宿何難遠國奉昌期班聯列服朝天下庭享多儀貢
土宜智勇可嘉神入夢改途歸避獨夫詒

第七想 吾主爲聖母獻於主堂

童女生兒理甚微先型尙在赴邦畿四旬人子來成
享兩翼斑鳩去贖歸噴噴老翁揚主號依依孀婦表
懿徽羔羊自獻還遲日利刃攢心願不違

第八想 吾主偕聖母往避厄日多國

諸嬰因主斷如魚神命諄諄事不虛膝下此時非宴
日堂前及早棄吾廬關山襁負長途遠萍水顛連七
載餘爲義蒙塵人子願故來多難未寧居

第九想 吾主十二齡在堂與諸耆學論道

人年十二孰知書主獨便便震殿除壓倒羣英驚未

有闡明古學說當初常生正諦雖難喻超性真傳
此擅猶憶慈親三晝夜往來途路費躊躇

第十想 吾主與聖母三十載克盡孝敬

罔極深恩重可虞主從貧困報勤劬未酬永遠元皇
位先竭涓埃人子軀養志有年三十載承歡無間一
須與溫清定省都能說往古來今孰步趨

第十一想 吾主領洗於若翰乃建入教大禮

以禮齊民民始齊新恩有典善提撕貽謀後進身為
律委任前軀名可題欲顯聖神施大化頻呼吾子醒

多迷淵源若爾當河水薄海無分東與西

第十二想 吾主在山持齋被邪魔試探

克己工興地亦佳四旬連日在山厓未容半粟留空
腹豈肯安眠擾曠懷三變狡辭魔最險一呼嬰殫語
難諧何修可退讐仇計效主身先內外齋

第十三想 吾主選擇宗徒十二位

此身百歲亦成灰靈性淪胥孰挽回萬派一宗遵道
統同堂共業育才英聖門位並天門數名理根從名
教來鎖鑰重權歸首座後人私述几筵開

第十四想 吾主三十齡始躬傳聖道

茫茫歧路孰爲眞指點塵迷主必親年越三旬身及壯教開季世命維新一言訓世千秋鑑百度儀型萬古遵地有肥饒難共穫莫將嘉種負農人

第十五想 吾主命痊諸病

傳經四史有遺文無藥無方顯大神屈指三年難數數全能一體故云云跛行癱起盲重視癩淨瘡開聾卽聞形病何如神病急豁明心瞽更慇懃

第十六想 吾主命死者復活

掌握神明之大元或存或歿不煩言無徵未顯人爲主有命方知權獨尊眼見堂前悲朽骨忽驚死後返離魂降來豈爲今生計特借今生示永恩

第十七想 吾主驅魔於人身

妖魔肆害胆俱寒蠱惑人心伎倆寬露尾藏頭眞匠測假形附體不勝殘獨來嚴命強無敵始信神威到即安我主永生還永王盍歸名下共餘歡

第十八想 吾主被惡徒妬違負賣

枉列門牆籍自刪從來利害兩相關負恩失望生何

益賣主成心惡最頑人不受陶偏有地世今可贖豈
無緩未遑痛悔雖遺憾罪大難容莫等閒

第十九想 吾主親濯宗徒足

謙和有道下爲先主值離憂更熖然尊賤不倫分爾
我官骸同類豈天淵解衣手滌門生足入座聲明師
傳權千苦愛情無限意長留芳躅望年年

第二十想 吾主建定聖體大禮

自爲獻品最蕭蕭深入人心禮獨超架上遺言聽翌
日筵前留別話今宵餅爲救世親身命酒是傷痕鮮

血潮一夕晚餐恩遠大推誠置腹永於昭

第二十一想 吾主園中祈禱出流汗血

爲迎大難宴嘉肴宴罷相期共適郊不信羊羣悲聚
散可聽雞唱懼推敲三巡豈易求民命萬古猶難贖
外教血汗愈流傷愈切早知前路即咆哮

第二十二想 吾主被捕於兇卒

嘯聚群兇夜更豪持竿捕主共焚膏安心欲驗前人
語捫耳先收弟子刀手足未交身早順爪牙雖猛事
徒勞片言出口威於鐵倒斃何須用法曹

第二十三想 吾主被解送於四署

泣血槌心不忍歌乘雲人子奈仇何儼然翁婿甘爲
虐任爾柔良法亦苛慘慘白衣爭唾罵洵洵狂口共
千戈踉蹌四署非無意讞案終歸比辣多

第二十四想 吾主被縛於石柱而受鞭笞

雜遝兇徒亂似麻赤身縛主重鞭撻五千餘數多多
許十一徒生冥冥些片語自緘羔可類全膚盡剝血
難遮無端石柱增顏色狼藉恩膏不勝嗟

第二十五想 吾主被兇黨縋以茨冠

兇謀辱主共陽陽碎首奇刑孰可當織茨如冠鋒入
腦披袍作戲僞稱王面流百孔千瘡血腸斷焦頭爛
額傷想像情形思內苦滿腔痛淚早盈眶

第二十六想 吾主肩負十字架赴山

三十三年聖子庚定期已至故前行重肩刑具縱橫
木跣跣山崖苦楚程一路顛危扶不住全身汗血急
於傾最難阿母心先碎步步相隨慟哭聲

第二十七想 吾主被釘十字架而死

青天何事不青青日月俱悲主受刑全體裸懸木十

字四肢槌透鐵三釘酸心七語傳新義苦膽高竿驗
古經頑物顯然如抱痛山崩地震石成零

第二十八想

吾主死後被一卒持戟刺其右

脇

倉皇大變似全蒸變古爲今命始凝願獻五傷完救
贖故增一戟刺胸膺剖懷爲盡身心血破脇方知臟
腑崩無限艱難垂世教漫愁魔鬼逞多能

第二十九想

吾主殮葬於石塚

萬方多罪主何尤捧負殘軀血盡流膚滿鞭痕頭滿

茨肢穿釘孔脇穿矛香膏白布忙收段巖石青山一

墓邱淚灑架旁呼再祖嘗塗肝腦共千秋

第三十想 吾主降地獄三日復活

自新再造孰能侵救世原兼古與今薄所萬靈蒙霽
色人間三日證佳音無庸礪石光先導若震轟雷勢
莫禁身舉墓空惟殮布徒勞守卒衆如林

第三十一想 吾主當諸聖徒之前亭午上升

四旬言訓更新覃治定功成亂永戡古聖比肩隨午
駕天臣九品扈雲驂榮居右座榮無極和合凡間樂

且耽目斷山前人悵望雙神下降顯雄談

第三十二想 吾主前言見符聖神降臨

聖神恩寵味中鹽奉主遺言共仰瞻若降風雷還坦坦如臨火舌故炎炎聰明直達尋常外音語旁通萬國兼仰止當時人百二普天率土一堂廉

第三十三想 吾主日後再降審判生死者

上主神威迥不咸再來後世更非凡大終有驗災先集洪水無邊物盡芟萬代世人都凜凜五傷聖子獨巖巖判明永遠升沉案若個能逃此日監

恭頌吾主大白山顯聖容之像

特顯尊榮大白山存亡二聖列崇班明明耀體光於日皎皎鮮衣雪作顏未許門人留樂境忽聞訓語出天寰叮嚀有待多深意轉眼當知他日艱

恭頌吾主渡海止風之像

升沉只在信疑間道岸求登未等閒平地興波皆怒海持危屢險賴慈顏未援天下恩先及雖冠諸生手必扳砥柱狂瀾從此始何愁陷溺不知還

皇城首善天主堂中東西配像十尊有顯容渡海

二像未入三十三想經另補二詩不限韻亦不箋

句謹附列於後於戲弁能有序跋豈無詞詞曰

無邪思始正借韻剖心言敘事增人感傳經語倍尊
真光輝暗昧道統顯中原有等愚夫子難知如此恩
語迄拍案憮然云詩三百三字以蔽之曰信望愛是
爲跋

耶穌受難節畧十八絕 山左孝廉姜先生作

寤禱能防誘感來軀綿心毅奈何哉斯人若此吾誰
與獨自山園伏父台

夜黑山園血汗流淋漓三禱鬱心憂難來不爲一身
免滴滴多含萬古愁

自出甘迎逮捕人醒迷猶復示威神是余二字纔聽

說驚倒赴桓五百軍

自是魔能許顯時何勞西滿手橫鉞不緣救世功斯
在八百天神立遺之

翁婿一坵兩教司裂衣示恨太頑癡道明廣衆仍誣
證可奈乘雲再降時

右盜同升弟子淪在天公義曷殊親自今陶地留前

鑒三十銀錢賣自身

如草輕權戲付將英冠加額敝衣裳世間榮辱知何似竟把真王當假王

釘舉喧呼衆目嘆此辜甘與子孫均心良不是魔攘却肯釋兇人負義人

萬衆愆尤負一肩倩人亦復示軀綿國中有力知多少誰似路旁西滿賢

京城女輩漫搥膺爲爾人將愛子懲好哭爾辜哀爾子免教朽木壓山陵

血汗淋漓感路隔幅巾拭印宛肩鬢故膺劇苦難摩繪留與耶穌救世圖

殘軀壓倒萬人哀茂樹如斯況朽材最是千秋悽絕事艱難步步母隨來

加畧山頭白骨枯苦棲架上血模糊甘從死地開生路罪衆天衢得坦途

繞架洵洵笑語哄義人架上目睨空不知而犯請寬彼億兆仇讐一愛中

降贖洪恩本聖公一言請記盜回忠人前苦辱偕今

日已許光天福祿同

慈親今作女人呼呼向平生可愛徒爾尙子伊伊母
爾漫言眞子是耶穌

萬苦千難集一身仰天呼籲語悲辛吾天主父吾天
主爾子因何捨與人

三十三年歸去修猶將心渴向人求早知世上無他
味茹苦含酸是盡頭

恭頌耶穌苦容

功成十字血成溪百丈深恩分自西身歷四衙將夜

半徒方三背二番鷄五千鞭數寸膚裂六尺軀懸兩
盜齊慘異八垓驚九品七言一畢萬人啼

聖祖仁皇帝御題

森森萬象眼輪中須識由來是化工體一何終而何
始位三非寂亦非空地堂久爲初人閉天路新憑聖
子通除却異端無忌憚眞儒若個不欽崇

聖三

太極含三本一眞漫從元氣說渾淪殘篇昔識誠明
善奧義今知父子神位別遠參含火鏡體全遙指麗

天輪聖三顯示權相似普地人聞至教音

聖誕

曾咏周詩陟降篇如開雲霧觀青天不圖日月重光
世却在庚申元壽年學有知新純嘏備道歸遠慮聖
功圖願隨霞珮聽高唱豈獨驅珠耀一編

聖體

超超妙體本無方爲活蒸民顯復藏宛爾一規親餅
餌依然六合大君王人間今有全燔祭天上恒儲日
用糧曾是多愆容接近形神飫處涕沾裳

聖伯多祿

美哉磐石聖教根基權開闢闡教握綱維神都定位
奕世宗師身終苦架倒釘呈奇

聖保祿

生從貴胄長作英儒早仇聖教晚順主呼力襄首牧
名震皇都遭時多難携手捐軀

聖安德肋

初隨大聖後認至尊長辭綱罟并叶篋墳詞侵勢位
氣震權門綁懸十字求主收魂

聖長雅各伯

乍聆主呼便捨魚艇名與友齊德堪弟竝念切民胞
手持旅槌致命最早甘捐顛頂

聖若望

青齡從主寵愛獨長奇文首出妙理精詳沸油勿害
毒酒能嘗死超常例完璞深藏

聖多默

西土儒宗東洋首鐸手探師傷情周衆瘼薄海欽承
明王奉若石挺相戕兇哉彼惡

聖次雅各伯

巖巖道貌救世懿親留都司教定命羣遵兇仇肆膽
巧計弄唇紛攢棍石講席隕身

聖斐理伯

多士景從汝先認主挈彼良朋同登化宇遠佈仁風
偏逢惡怒被釘如師芳踪步武

聖巴爾多祿茂

靜默獨稱化開印度官邸行奇君王覺寤妖魅奔逃
僉壬譴訴委蛻以終冤刑最苦

聖瑪竇

本聚斂臣入宗徒位肆力傳宣留心載記食淡茹蔬
竭忠盡智祭獻委身霜鋒暗刺

聖西滿

久親聖範志切師承化騰異域慰晤良朋運籌決勝
驅蟒呈能宵人毒害錕體堪矜

聖達陡

母皇貴戚救世勳庸伯居上座仲亦超宗奇踪遠印
良友重逢身終棍石即殄羣兇

聖瑪弟亞

聖宗十二簡自耶穌繩懸逆弟聞得真徒賢姦既異
取舍攸殊抒忠殉難克肖師模

聖史路加

追瞻大聖信史成編神光默照慈母親傳痼瘵在抱
救濟殷拳年登上壽爲義軀捐

聖伯多祿宗徒

眞原何自得昭彰宗聖千秋化雨長半世長流痛罪
淚一生最切救靈腸倒懸刑架捐軀地獨掌神匙永

福鄉縱曰功全歸樂國綿延惠澤顧羣羊

聖若翰保弟斯大

未降眞光寶炬來山陵夷蕩險途開功超寰宇千秋
聖任重前驅六月胎直諫君非身罔顧義櫻后妒命
逢災後塵蹇足知難步但願愚頑被化裁

聖西滿

日多創業是何人被化名邦教澤新勳績不慚大主
弟尊榮共美母皇親途逢季子功同顯語壓邪徒道
始眞獨憶風雷乍震日天衢穩步樂無垠

總領天神

凜凜丰姿世絕倫翩翩羽翼幼童身趨承太始元尊
主總領諸天九品神威鎮火牢降鉅鬼恩標雲柱護
多人人間不識無形妙誰向無形妙寫眞

護守天神

人間何處免仇傷天主恩施浩莫量禍福轉移神特
遣死生終始日周防闇冥世宙提携切孤厄形神侶
伴良最是未期升墮際預防魔策送天鄉

救贖

暗日初收雨春風已過冬清溪沉寶憤曠野舉銅龍
萬箭消悲涕三鋒息怒容常生今有望援擢出塵封

天福

樂國豐筵傳呼起側微麥糧餐不索葡萄酒醉無歸
寶冕三光爛金衣五色圍台前多女子朝夕近容輝

天堂

廣樂鈞天奏歡騰會衆靈器吹金角號音和鳳獅經
內景無窮照真花不斷馨此間纔一日塵世已千齡
絕句

天外有天寬長春不暑寒人人皆可到我到亦何難

地堂

寰區初建定有地位中央四序春常在三時日不忙
此生皆極樂其壽亦無疆莫嘆難尋覓於今復降康

處世良方

人居苦谷日忙忙忍耐存誠是妙方處處相機明俯
仰時時安分樂行藏頻將自己愆尤悔莫把他人過
失揚謹行慎言恒檢點待人接物好商量從來強弩
絃先斷自古剛刀鋒易傷惹氣宜防開口舌含冤勿

蓄怒心腸是非不必爭你我好歹何須論短長一劑
養心平胃散兩種和氣二陳湯吃些虧處應無奈讓
幾分兒也不防傲忿貪淫歸地獄謙恭廉潔入天堂
才華權勢三春夢富貴功名九月霜塵世虛浮原屬
幻形軀脆薄更難長輦因戀屬全身死蚕爲營巢枵
腹亡生前枉積金千鎰死後空持手一雙識破人間
傀儡局莫貪世上戲文場妍媸夭壽終歸土離合悲
歡夢一場惟有修身勤事主自此之後樂無疆

又

世間榮辱總雲烟何事欣然復悵然死後妍媸憑主
定生前善惡任人戢心如山靜平如水身在塵寰樂
在天出處若能由此道存時無慮歿無愆

嘆惡人臨終

主恩不顧戀塵埃畢世營謀總爲財生盡望天天路
塞死臨避獄獄門開孤魂渺渺含悲逝羣鬼洶洶鼓
掌來拖入火牢憑虐弄於時追悔已遲哉

七罪宗

傲惡知何似驕獅不可馴雄心誇有物俯視目無人

几日凌雲氣千秋委地塵爭如勤自克萬德一謙真
吝惡知何似癡猴握果然解囊肩早皺拜賜色增顏
卒世饒千貫終期空兩拳爲如勤自克慷慨破慳錢
淫惡知何似橫流水決溪乍汚顏尙赧稍縱意全迷
獸行叢多指神監莫可欺爭如勤自克貞德是金堤
忿惡知何似狂風烈火煙無端纔一觸誓死不相饒
豈是輕三尺居然患一朝爭如勤自克常用太和澆
妬惡知何似平流忽起波高才容我獨好事恨人多
咄咄偏相逼暗昭奈我何爭如勤自克一恕百無他

饒惡知何似冥墟吸衆流萬錢難下箸一笑爲擎甌
直待腹相負方知軀是仇爭如勤自克淡泊勝珍羞
怠惡知何似駑駘負主恩有軀安養無志望騰騫
神業難期奮流光速若奔爭如勤自克振策入修門

聖母領報

救世宏基肇聖胎福音乍報主神來乾坤莫固貞懷
蘊久扃天衢今始開

聖母

自天申爾福有母性徽柔美麗黃金殿高超白象樓

大光通上下渥寵富春秋蜜燭含芳處瞻依十二旒

聖母抱耶穌

青枝歌凱樂昂首渡滄洲臂奮小天下手携大九州
聞聲山鼓舞吹氣水溶流幸托如飴母藏身達味樓

聖母十二冕旒

十二天葩綴彩疊冕旒新製母儀堪色從無始光中
賦香自初胎寵內含奇絕一貞開寶蕊榮超萬聖粹
華忝何當受福朝元日玫瑰親瞻面面渥

聖家三口

最高之處府潭潭眷屬團圓樂且耽無古無今三位
一徹天徹地一家三人名日益稱神歌世有奇花寶
聖龕畫壁年年瞻配像淨香禮料鼻頭忝

聖母

至哉爾尊胎蘊真君不沾原染寵眷獨深位超衆聖
榮蒞羣神造世母后罪類慈親炎炎熾愛矯矯謙貞
頻受患難掌握神恩魔鬼畏服諸險悉平洵矣上智
之座燦然曉明之星

聖母像讚

作造物之尊母爲至潔之貞身原之於胎無罪秉之於性全仁頻施光兮照世職恩保兮救人義鏡垂而羣法天門啟而衆臻位越諸神以益上德超庶聖以特純福既極而難並美非常而莫倫

往避厄日多國

神呼驚起夢魂中倉卒登程伴朔風霜月侵衣身欲憊峯巒險阻路方窮姑憑老駒尋迷道潛向慈親問聖躬比際淒涼誰可訴青山隱隱白雲東

耶穌苦像

架旁聖若望及聖婦瑪大肋納之像

至哉主愛刑架爲臺犧牲自獻父慈斯回俯瞻母苦托弟辭哀維爾聖婦感泣形衰抱持聖足淚湧心悲千秋悔表蕩蕩巍巍

十字架

未畫開天間始基高懸判世指終期一人血注五傷盡萬國心傾十字奇聞闔有梯通誅蕩么魔無術逞迷離仔肩好附耶穌後仰上山巔步步習

耶穌像讚

立乾坤之主宰肇人物之根宗推之於前無始引之

於後無終彌六合兮靡間超庶類兮非同本無形之
疑擬迺降生之遺容顯神化以博愛昭勸懲以大公
位至尊而無上理微妙而難窮

聖若瑟善終

茹苦於今三十年寒家擔荷謝無愆功成應有天榮
賞死至何容世態牽淨配瞻依慰自倍慈君呵護寵
難言試觀千古多名聖此日恩光誰比肩

咏致命諸聖

榮加玉冕錫衣金血戰功勞赤子心萬色萬香萬花

谷一根一幹一荀林初靈飮飲耶穌爵躍體傾聽達
味琴聖聖聖聲呼不斷羔羊座下唱酬音

觀世有感

今古悠悠世事浮漚迷人不悟枉費營謀怎不想官
骸易壞時日難留嘆六朝氣概兩晉風流許燕詞翰
韓范經猷盡作荒涼墓幾坵真也堪愁沒甚來由不
過是今朝滄海明日田疇休誇學優與仕優但務身
修與道修生斯世泛海舟夕陽易墜早回頭尋問那
乾坤真主宰性理正根由纔得個撥雲見日更上層

樓歸真返璞無懼無憂也不須餐霞飲露莫浪說蓬
島瀛洲朝暮勤求願永歸六福務克勝三仇名休利
休痛改愆尤好預備膺嘉休此身任他似蜉蝣終須
拋下朽骷髏

對聯集正

天主

萬形之始大道之原允矣惟精惟一
上握天樞下求民瘼洵哉真主真人

兩大包羅總屬一元開造化
群生普仰並無二主可欽崇

發聖神以全善因父及子不大小不先後至哉全能
至哉全智

顯仁愛於無方救人惟身吾恩師吾真主信爾無始

信爾無終

無始無終先作形聲真主宰
宣人宣義聿昭拯濟大權衡

無始無終以己全能宰萬彙
至仁至義統諸美妙育羣生

宇宙統生存惟一含三含三惟一
古今同教養人而天主天主而人

仁仁仁首先物且物物都徵美妙
聖聖聖善教教人俾人人共享尊榮

首出之本原惟此位三體一以信以崇庶率性有原
踐形有本

善生之恩德皆由十字五傷弗疑弗悖則無時非德
何地非恩

聞三畏之首功立命必先主宰
降百祥以善類服膺而後聖賢

大矣哉首出之尊監觀毋貳
明乎此善根之地知止勿遷

(化羣生原無二主
造萬物此是真宗)

萬彙共生成至尊無對

普天同教養大德難名

不貳不息巍巍乎天地主宰
無聲無臭蕩蕩乎天地根宗

造化自有真宗威靈超理氣而獨上
玄妙實非虛幻純誠先天地以常然

全能像

掌握乾坤真主宰
權衡禍福大威君

(其仁純純掌天儀權衡莫測
大德浩浩握坤輿至公無私)

全具一體生發爲三位三位之用無不周斯一體全

且備

能統三位本原是一體一體所長有兼善故三位能
相通

自有能有萬有本是萬有之從來斯真主宰
常生以生群生實爲群生所歸往乃大神明

無始無終至正至尊至大
永生永王真光真福真神
(無形無聲是真實
有體有位非寂非空)

聖寵同天徧覆
神光比日常臨
(聖德比乾坤更大
神恩同日月無私)

造成了天地神人萬物真至奇靈蹟
降誕於童身聖母一事乃絕妙化工
大本大源此本源是先天而自成立
無形無像此形像乃降生之所遺留
從無始而自有純神造成萬有
因全能以好生大德普濟群生
肇造化成神能何限
保存安養寵澤無疆

(造化生成大能莫匹
降臨救贖聖澤無疆)

耶穌受難

降生立表布真訓以其諸艱做贖人類寶價
捨命救羊作義犧留己聖傷常爲衆信千城
失地堂而閉天堂一人之罪惡千古之災殃
建神國以升樂國再祖之恩功萬方之福慶
愛火炎炎天主尊榮愈上而愈光愈大
苦針密痛世人罪惡彌深則彌重彌傷
潔體被刑教世人甘苦順命
聖口無言訓良民謙忍存誠

苦像

從開闢至終窮前古後今無人不在恩施內
自夷狄及蠻貊東西南朔徧地咸歸救贖恩

在世卅三年貧窮單屈受苦一生真難以數記
臨終十四處擊刺鞭懸被傷萬死更莫可言傳

本無罪以含冤傷徧渾身實情願
以全能而受難救成普世乃甘心

五衷有十分痛苦

百體無一處全完

耶穌聖心

哀此下民鮮能知我
嗟爾小子毋復傷予

(披露慈心炎炎愛火
傾流聖血點點恩波)

聖德廣施恩普世流通如泉源不竭
心慈極徧愛中情熾熱似火焰常燃

仁衷汎愛君臣庶
洪量包涵天地人

(諸聖德功之從出
吾人安慰所由生)

剖心瀝血無窮愛
伏首知恩有幾人

(不將聖愛提來說
只把心傷露與看)

聖體

至矣恩上恩我體直通主體
允哉愛之愛聖心能換我心

聖子獻於聖父禮而尊也典至重也所傳黍稷犧牲
莫非比喻

善生保以善終仁無間兮愛無窮兮如此奇恩大寶
孰不尊親

享主共常生上上無如其上

(能知聖味非常味
可望人心即主心

與人成一體恩恩未有此恩

隱尊威而入世贖罪救民仁之至也

留體血以傳恩推心置腹愛莫加焉

享天糧神形共飲

(奉苦爵以膏梁世世同仁合愛
饗淨血之骨肉人人食德飲和

洵弟足謙愛兩全

匝地仁泉流不盡五傷聖血
光天愛日總難形真福神糧

包三一聖性以全仁大無彊小無內
補長遠靈心之失愛獻在主享在人

體物踐形建極惟吾主
剖心瀝血承恩看後人

維食顯形維食藏形隱矣衆心心主
以身救爾以身養爾費哉本體體人

當年立茲聖事主真全能至善
今日謝此神恩我願熱愛崇欽

餅爲體酒變血席筵上主情似醉
痛滿腹淚盈腮祭臺前我意如焚

耶穌聖像

寶號尊榮往古來今無如救世者
聲靈赫濯上天下地惟一耶穌名

救世慈恩及普地
(立教本元尊原始要終真道路)
耶穌聖號透諸天
(遺型仰救贖承恩藉寵大榮光)

化育羣生天地主
(古典今文羣奉一元真宰)
指歸永福聖賢師
(奇能靈蹟共徵再祖維皇)

顯體用以尊乾坤一元真宰
展經權而施救贖再祖維皇

初人亢命失真光累已後嗣概爲魔役
聖子降生除黑暗施身救世恩錫蒂宗

聖誕

下地安和稱再祖
上天榮福頌元尊

馬機樹甘貧聖表
茅屋開救世宏基

三王來朝

瞻景星以馳驅備受風霜千里
止荒郊而颺拜敬呈珍儀三函

十字架

滿腔仁慈呼負十字架

(一道福音傳冷夜
九成聖樂奏清霄

(上天榮福歸尊主
下地安和屬義人

全身汗血淋漓五傷痕

萬品奇恩俱出於縱橫聖木
三仇勁敵難當此手足鋼釘

木本無靈至加爾瓦畧山今古俱蒙化育
架何能聖因基利斯督死神魔共凜德威

獄路啟當年只緣一果
天門開此日全賴五傷

獻大祭以霽主威五傷十字
操利兵而摧魔陣一戟三釘

恭領聖恩之下造
仰求神赦所由來

(惟善領費畧降生本體
乃翕合耶穌至聖之心)

隨時常降福
無日不施恩

(神糧眞福質
天藥善終資)

聖母

從開闢至今以淨配而各守童貞世間有幾
自孕胎之始其形神皆不染原罪天下無雙
年生聖蹟盡括一十五端經奇品似玫瑰不沾荊棘
卒世童身特享六旬三紀壽節操如松栢之拒風霜

代死苦未能看架豎盜中肉糜爛血淋漓一點傷痕
千點淚

痛心有誰測想魂銷墓側露淒涼風蕭瑟半分時刻
萬分愁

天侶雍歌寅恭揚峻德
世人朝禮虔禱望慈恩

享聖壽六旬零三形體神魂同登天上
蒙殊恩一十有二冕旒星彩普照人間

聖德極謙獨降諸聖之中古今來誰能幾及

心清至潔特超衆心之上言語下無可形容

萬世君民恩保
普天神聖母皇

超聖賢福德以全貞海星名重
誕天地神人之大主救世恩深

位晉母皇榮福遠超神聖
職司主保恩膏普被乾坤

竄流以後泣涕以生幸有寬仁主保
聖子爲兒童身爲母居然顧復劬勞

眞主將臨特建珍奇之殿
陽宗未出先來光美之星

天上冕旒榮峻德
人間玫瑰頌芳徽

冕可爲經尋思知峻德
月能如地穩步詣天宮

不勉不思丕顯始胎之福德
由仁由義創興卒世之童貞
羅勒光輝萬世君民之主保

(敬天主恪遵其誠
效懿母恒防己私)

華旒榮福普天神聖之母皇

福德遠超神聖品

慈恩普濟古今人

皇皇大母在無世時預簡爲救世慈親胎全德己全
人老貞同老愷澤靈奇

赫赫元神於罰魔後即尊以驅魔總帥榮耀冠諸品
干戈蕩衆邪威明普著

想常年玉質花容美麗人間貞女
欽此派珠冠寶座光華天上母皇

聖若瑟

効命窮途可想當初同預簡
保恩諸夏願隨終古共瞻依

(神功聖德兼三冕
大職尊稱獨一人)

真人之勳戚真主之功臣一生盡瘁
在世爲淨夫在天爲元聖三冕酬庸

爲聖母之淨夫福榮兼極
稱耶穌之義父權位俱尊

聖保神師此地望恩如望歲
義人尙父當年奇事建奇勳

當年顧撫勞堪憫
今日提携樂可知

(玉潔水清偕聖母
(鞠躬盡瘁保耶穌

庇民大德包中外
尙父榮名冠古今

(竭盡忠貞扶幼主
(永教神聖仰殊榮

避難携嬰七年辛苦

(贊主鴻猷昭垂萬世
(保民厚澤普徧五洲

懷貞抱義萬古照明

蒙主簡是鞠養耶穌者至今嘗稱爲罕有
守童貞而淨配瑪利亞從古總未之前聞

普天下奉教人誰不求大恩主保

凡世間守貞者無非效至潔儀型

天神

天光顯現偶借形容白於雪豔於花較幼童差擬十分潔淨

神體優游儼同羽翼迅如風速如電比飛鳥更加百倍輕靈

有始無終萬民資護守
無形有像羣物賴扶持

(德至矣尊明堅潔
(恩深哉照護引持

承主命扶持世物

引衆生趨赴天鄉

彌陀爾

立天朝判臺司肅至矣善神之首
制地窟長戟宣威巋然忠義者光

功高天府宣威帥
職重人間護教神

總領諸神保存聖教
護守普世抑鎮邪魔

宗徒

(接引善靈光天膺福澤
維持聖教幻海靜風濤
引導旅人常持世界
驅遠魔鬼屢敗敵軍

奉耶穌師範地不分遐邇文蠻同歸化導
傳天主教規人無論智愚善惡悉荷甄陶

親聆真子訓闡真道衍真傳斯爲真教
默受聖神恩宣聖言作聖蹟全是聖功
始而棄業從師傳教救人遭逢多險逆
終於捐軀致命升天列品功德最高超

聖多默

有人皆受教
無地不施恩

(親模傷痕化前疑而堅信
奉傳聖教彰復活之榮華

聖老楞佐

諸聖瞻禮

見義不辭炮鐵火
成人追顧異君威

（驚序同登爲下世誠求多福
駕班共列在上天永享眞榮

聖味增爵

聖沙勿畧

保赤心誠凡見孤孩深測隱
垂青念切每逢貧病倍矜憐

（十載福音傳臥亞
三洲謝世向東都

聖五傷方濟各

十字早銘心傲惰貪淫先已滅
五傷深印體威儀丰采歿猶存

天主堂外門

天上惟一一大卽天知天乃能事主
主下是王王遵爲主事主所以知天

聖教如天行不息

（聖教與乾坤並立
神恩同四海長流

堂規比日照無私

聖教至公統寰區通行不二
教規弗替與天地並立爲三

聖教宣揚四規爲救靈道路
主堂垂訓十誠是升天階梯

奉教守規方知得常生有路
進堂瞻禮乃漸入永福之門

寵教廣揚堪比乾坤不朽
恩光普照直同日月無私

陡斯全能造成萬有
耶穌大德普濟群生

法耶穌善表
循聖教良規

聖教中共行祈禱

(費畧神權誕生斯世
耶穌聖號救贖吾人

(願普世共同奉教
偕諸聖彼此通功

(仰遵惟一寵教

普天下恒享太平

專心事主

(欽敬不二純神

誦經先虔稱亞物
遵教必效法耶穌

(修身乃爲修道
正己方可正人

每日務求彌撒義
隨時感謝陡斯恩

(效使神同稱亞物
驅魔鬼亦說娑磣

辭目前虛名暫利
望身後眞福常生
但願遵行聖教

常存默想神功

居家內門對聯

領洗時入門有慶
堅振後修道無難
守教規瞻禮
勤默想頌經
兩愛兼全人事盡
三仇克敗聖功成
聖年常默想

(常沾聖水能消罪)
(恭領神糧善養靈)
(誦經言不忘十字)
(稱聖號能勝三仇)
(世界太平皆主祐)
(人心和睦悉神恩)
(惟能淨心翕合主旨)

主日定通功

領七恩而嚴七克
全三德以勝三仇
但願貞身服勤主命
自能克己仰報神恩
常默思四末
定克勝三仇
與人和睦斯真福
克己精嚴即聖功

(乃可全力勤勉神工)
(勝三仇乃真勇力)
(思四末是大神工)
(輕世常知足)
(和人在得心)
(瞻禮日先宜齋戒)
(通功時更當默求)
(領神恩當盡三本分)
(訟自罪要明五規條)

善事無非希聖事
雅言本是誦經言

新教良規無非主寵
古經聖史都是神工

教友克全三德在
聖恩常降七恩臨

倘能全兩愛
自克勝三仇

一身靈是主

(克七宗以謙爲始
(修三德惟信在先

(豈必辭家方爲樂道
(但能學道正可傳家

(惟求天下達道立
(不美諸侯之寶三

(過必隨時改
(功當逐日增

(聖教之中有真樂境

三德信爲宗

選精金無須擇地
傳正道不必拘方

常感主成德
無忘救贖恩

主誠十條其實總歸二者
人生四末將來僅有三端

力勝三仇方得脫離世網
恪遵十誠自能登進天梯

(古經以外無甚奇書

(真福八端善人無一不備
(聖事七蹟教衆得六斯全

(遵教規始知真福域
(領聖洗方得上升門

守十誠遵四規方能事主
勝三仇克七罪乃可救靈

(修身乃是齊家本
講道真爲勸世方)

先拜禮中誦經後謝恩是早晚工課
始敬主 次愛人終救己乃平生事情

敬長孝親乃能事主
遵規守矩自可傳家

(遵四規爲救靈道路
守十誠是上升階梯)

兩愛兼全即爲守誠
七恩常保自可傳家

(常保七恩斯爲真福
善全雙愛自保平安)

處世在和端由愛主

傳家以善本自修身

婚姻

詩咏宜家茂比臻臻之葉
情深好合和如藹藹之琴

望天堂覓伴侶從今得矣
居苦世求相資只此來焉

清水變醇醪望今日喜筵似昔
旅人完淑配信當年神命常新

合助以成一體愛歸二者

(一助造人成配偶)

分支將衍萬人德重三端

婚從主定遵王制

禮繼人倫重古風

人爲伉儷千秋合

主立婚姻萬古偕

兩姓聯歡由主命

千年締好自人成

開闢初至尊立婚姻爲衍人類正基址

世臨末吾主陞伉儷以增寵福真秘跡

(六罇化酒顯奇能

(兩性聯姻締伉儷

(六罇宴樂慶嘉賓

(願此世夫和婦順

(冀他年子孝孫賢

(主定婚姻元祖始

(人倫繼衍後昆興

喪聯

溯從前敵三仇克七罪而今免矣
想嗣後享永樂慶重生蔑有加焉

五德三常兼程而上達

四奇六福荷寵以先登

雖今時骨化形消朽還不朽
有一日天荒地老生必常生

公會無私指引普民登正路
通功有禱提携煉侶獲常生

祈禱爲新亡由十字奇勳能除永死
通功因煉苦藉五傷救贖可獲常生

可寄可歸常自足

一邱一壑與人同

(形靈別矣善愆人果悉明辯
賞罰嚴哉功過主衡無有差

享諸妙惠祥三司並樂

觀萬善榮輝五內皆安

(孰真與孰僞汝已了然
或後而或先余茲懼矣

俾暫辭於世上

(圖壽考莫如圖善

而永生於天國

(懼死亡不若懼生

立志修身自幼至衰生有慰

勞心積德從青到白死無憂

萱草可忘憂傷哉萎矣

(難捨利名今已捨

斑衣待舞綵慘乎休焉

(再圖世務不能圖

蒙造化身辭現世

(幻世功名今已盡

荷救贖魂返天鄉

(天鄉福樂永無窮

物不一造物者惟一故明道始於格物

形能窮馭形者弗窮非聖人難以踐形

鼓樂無聲因守孝

衣冠不整爲思親

乾坤惟一主溯往聖相傳欽崇爲首務
骨肉有餘哀雖靈魂已去思慕未能忘

狂風昨夜折椿樹
細雨今朝浥淚痕

(異地追思終身如一日
同人感慕收淚共通功)

亡寢內舉哀聲孝子慈孫情非假意
喪場中共祈禱良朋賢友愛是真心

恩斷終天心飲泣
情深愛日夢吞聲

(暮聽慈烏生淚眼
夜聞孤雁動悲心)

子道有虧專望在天永福

(幾行樹切楓林痛)

孝思不置惟求上主矜全

(五夜笛吹薤露哀)

一去不回已離人世水淵之懼
再生有日無復天涯岬岬之瞻

(斑衣舞處悲難再
岬岬瞻分泣不窮)

遺來手澤傷徒讀
想到音容痛愈深

(空流枕上思親淚
無復堂前喚子聲)

音容縹緲呼天乎莫應
劬勞罔極搶地也難追

享永遠以神生誰與乾坤並息
慎須與於聖業何難日月爭光

(讀禮悲風木
思親廢蓼莪)

乾坤惟一主溯往聖相傳欽崇爲首務
骨肉有餘哀雖靈魂已去思慕未能忘

狂風昨夜折椿樹

細雨今朝浥淚痕

(異地追思終身如一日
同人感慕收淚共通功)

亡寢內舉哀聲孝子慈孫情非假意
喪場中共祈禱良朋賢友愛是真心

恩斷終天心飲泣
情深愛日夢吞聲

(暮聽慈鳥生淚眼
夜聞孤雁動悲心)

子道有虧專望在天永福

(幾行樹切楓林痛)

孝思不匱惟求上主矜全

(五夜笳吹薤露哀)

一去不回已離人世水淵之懼
再生有日無復天涯岬岬之瞻

(斑衣舞處悲難再
岬岬瞻分泣不窮)

遺來手澤傷徒讀
想到音容痛愈深

(空流枕上思親淚
無復堂前喚子聲)

音容縹緲呼天乎莫應
劬勞罔極搶地也難追

享永遠以神生誰與乾坤並息
慎須臾於聖業何難日月爭光

(讀禮悲風木
思親廢蓼莪)

存順歿寧此日永寧有慶
朝聞夕可而今不可無虞

賦性以來寄塵世之軀終難久守
脫形而去登天國之域永保無虞

亡者彌撒堂柱長聯

情不能忘求彌撒大祭以安先人情合正禮
愛則思助讓恩赦善功都歸亡友愛是真心
昔慎其終今猶追遠孝子賢孫同祈禱
形雖朽矣魂尙依然良朋好友爲通功

祈禱爲新亡望因十字奇勳免伊煉苦
通功求上主願藉五傷聖血賜彼長生

我有往愆須盡補在烈火受焦燒之苦
爾能代祈以相援望良朋動惻隱之心

主義至公微愆必罰已亡者誰敢謂言行皆純無疵
可煉
教規崇愛諸善相通現在人不難以轉求之切設法
超升

大祭獻山巔賴天主羔羊除免此罪

鴻恩及地穴脫煉靈縲縲使陟天鄉

聽煉獄靈魂哀祈之聲豈可忍心不救
仗彌撒大祭轉求之力何難借手相援

賞罰絕無私至公真可畏過來人纔曉這番關係
幽明雖已隔禱善尙能通相愛者莫忘多爲祈求

山居

山中好鳥林中友

石上清泉榻上琴

花開自落本無事

(精舍對山多古意

明窓流水適天機

半空月落梅無影

雲去復來猶有心

(三徑風來竹有聲

山禽朝送酒

(留連詩酒月

(一畦春水碧

江月夜供詩

(放浪山水情

(萬里晚山青

意隨流水遠

(披襟觀嶺月

心與白雲閒

(臥室聽松風

義可樂其奈利何仁可樂其奈名何惟樂者不利其
利不名其名果哉箇中真樂

道之修非無爲也德之修非無欲也曷修乎無爲而
爲無欲而欲允矣物外精修

爲士無能歸農無地惟求精士與農之本
太文必腐過質必粗應存心文與質之間

所不宜貪俱勿視
果真當務要勤行

(敬主愛人眞福路
克私寡慾毓靈方

寶珠玉不如寶善
友富貴莫若友仁

春聯

永遠恩光生燦爛
清寧爽氣有淵源

(道存時雨春風內
人在光天化日中

泰象方開歌歲首
和風初拂慶春魁

一夜連雙歲

五更分二年

德門永慶長春福
仁里同沾造化恩

桃李欣承新雨露
箕裘丕振舊家聲

山川圖畫今連古

(舊染盡除新善起
天光消暗地生新
春風堂上初來燕
香雨庭前新種花
大塊文章還假我
十分春色總宜人
山川如舊家還舊
歲有更新人亦新
綿世澤莫如積德

人物春風舊轉新

莫謂春來春可賀

應思歲去歲難留

大塊奇文年年如舊

浩然良貫日日維新

日暖江山麗

(柳色烟雲態

光浮草木新

(梅花天地心

迎春色之和碧綠青黃悉具

敘天倫之樂孝慈友愛相承

(振家聲還是讀書

(五夜漏聲催曉箭

(一聯春色鎖寒梅

(日月恩光照

(乾坤喜氣通

(舊起簪纓第

(新迎錦繡春

(忠孝傳家久

(詩書繼世長

風來花自舞

春入鳥能言

大門

忠孝傳家紀振綱扶隆世第
詩書教子學成名就大家聲

重門

風送鳥聲來上苑

日移花影過重門

春融勝日鶯聲麗

(重門草色開三徑

(小閣書醉六經聲

(春風錦砌蒼苔潤

花壓重門燕語清

(旭日重門紫燕飛)

香浮深院梅花發

(上苑春光好)

(晴光融上苑)

翠繞重門燕子飛

(重門佳氣多)

(佳氣藹重門)

重門晝啟迎朱履

甲第時開萃好音

大庭

庭有餘香謝草鄭蘭燕桂樹

家無別況唐詩晉字漢文章

天地獻奇山川人物星斗畫

祖宗垂訓衣冠禮樂聖賢書

客廳

傳家禮樂宗東魯

經世文章齊盛唐

春風楊柳鳴金馬

晴雪梅花照玉堂

竹風留客飲

(花香熏座暖)

松月伴賓茶

(月影透窗明)

書房

(過戶清風爲益友
可庭明月是相知)

(芝蘭君子德
松柏古人心)

(雅量通江海
清談見古今)

雨過琴書潤

(日影侵書案
花香入硯池)

(掃徑迎三益
垂簾遠四非)

出交天下士

(燈火雲間月
書聲雨外天)

(讀韓蘇遙吟俛唱
誦李杜逸興湍飛)

四壁圖書消白晝

(層疊典墳皆至寶
往來冠蓋悉名賢)

一牕風月共黃昏

(幽人倚枕聽秋雨
稚子挑燈課夜書)

垂簾不捲留香久

(立品全憑真學問)

古硯微凹聚墨多

(稚子挑燈課夜書)

五柳分來書染綠

(立品全憑真學問)

九經讀處月流光

(讀書須下苦工夫)

書有未曾經我讀

(書到用時方恨少)

事無不可對人言

(事非經過不知難)

學館

共坐春風裡

(乾坤老大文章古)

時昭化雨中

(日月輪流學業新)

問字有人頻載酒

(墨氣沖開真面目)

談經滿座更吟風

(文心悟到活源頭)

沂水春風不是尋常地步

鳶飛魚躍昭然活潑天機

雖富五車必輔西儒之正學
勉尋三樂爲收天下之英才

虎皮不若青氊乘時雨化
麈尾何如絳帳滿座春風

(賢關聖域心能造
美種良田舌可耕)

藏書室

帝典王謨傳古今以正學

左圖右史萃宇宙之奇文

尙論工深始信古人一片苦心無窮積德

神交情切方知書內蘊藏大義全在微言

親堂

峻宇春光麗

(畫堂瞻北極

座靜春光麗

高堂月色明

(春酒頌南山

庭高愛日長

鶯遷金谷曉

(如罔如陵如松柏

花報玉堂春

(日富日貴日康寧

積善堂中無限樂

(春入畫堂添喜色

長春花下有餘香

(花飛玉座有清香

高堂瞻日迎萱草

(斑衣色映宮花麗

上苑春風待杏花

(綠酒春浮化日長)

堂喜萱花綿日月

(蘭桂連芳一種天香榮上苑)

庭欣桂子際風雲

(椿萱並茂十分春色麗華堂)

福如東海常流水

壽比南山不老松

講堂

盛世崇文喜近天門聆至理

(談道誨人常事業)

熙朝重道直從地主溯真原

(修身克己舊工夫)

混俗和光賢賢不知生死路

斥邪崇正明明識破是非門

學海無窮知法耶穌斯獲本

(金無擇地精即可寶道不拘方正必爲真)

天堂有路能持仁安即爲宗

居處

出恐亂神心耳目當謹

(所不宜貪皆勿規果眞當務要勤行)

入能保聖業情思易收

衣食稍充應意足

(潮水恒流山自靜信根堅固俗難移)

聲穠雖好要心虛

(濟世無材非所愧)

廉潔是修身正法

謙和更處世良方

(省身有過正堪憂)

一句閒談終有判

(謙忍讓人真學問)

百般雜念慎無留

(愛仇克己大神功)

寡過須當乘壯日

(靜坐常思己過)

進修切莫待衰年

(閒談莫論人非)

三仇克勝非人力

(畏負聖人訓)

十誠能完亦主恩

(願從賢者遊)

甘忍暫饑將飽飫

(愛人如愛己)

寧居下位自平安

(成己可成人)

女織男耕各盡分

(能忍心常樂)

內修外作莫閒居

(知非德自新)

恥躬行之不逮

欲寡過而未能

好學貴三和己和人方能和上主

存心須正愛愛仇愛苦總爲愛耶穌

拔本塞源伏傲戒貪遠色

(敬主以愛人斯爲正愛)

淑身修業慎思謹行稀言

(盡心而知性纔是良知)

主敵不當寬誓必捐軀而戰

(信望愛力行之本)

已仇良可恕何妨忍氣以和 （知仁勇好學之基）

寡過有良方教內十誠嚴規言言藥石
毓靈求福澤主之五傷寶血點點恩波

一室長兒孫及時勤學
數椽避風雨有志藏修

昕勞身夕毓靈勝邪克私寧心善則
抑己功仰人德安下從衆渡世坦途
治家難交友尤難忍將去一團和氣
行善好愛仇更好作出來都要真心

善能超性由三德
福欲充心藉八端

（一世修身問天良何以不愧
數年克己詢性本實唯放心）

德能濟世方稱大
道至尋源始見真

（來談俗事麾之去
有益神功不可無）

穩步天衢除淨胸中三徑草
勤遵聖誡調和心上七絃琴

由人毀譽學聖賢盡其在我
返己修爲法天地無所不容

素位而行只求安分順命

遵道自立惟願無忝所生

枕流漱石人何事
樵水漁山語亦奇

(咬得菜根香方知道味
(看他霜葉落早立修名

寢室

琴瑟春常在

(日暖蘭英秀

(春風來綉戶

芝蘭德自馨

(風清桂子香

(和氣滿香閨

椿花萱萼連枝秀

(琴瑟永偕千歲好

桂子蘭芽繞砌香

(芝蘭同介百年春

門聯

日月光輝新棟宇

(風光新歲月

(樂有賢父兄

山川環繞舊樓臺

(敬愛舊生涯

(養成佳子弟

喬梓聊爲堂構計

(禮樂家聲舊

(芸窗聊肄業

門牆誰是棟樑材

(箕裘世業新

(芽屋即藏修

克勤克儉家聲舊(潤身兼潤屋(一年歲月春爲首
爰處爰居第宅新(謀道亦謀居(萬古綱常學有源

後門

雲路前無限

(事業新前烈

(積德前程遠

鵬程後有餘

(詩書繼後昆

(存仁後地寬

積德思垂後
揚名欲盛前

（輝耀已看前緒盛
崢嶸尤喜後人賢

秀啟後賢光闕閔
福因前德振箕裘

（光前須種書中粟
裕後還耕心上田

移居

擇里仁爲美
安居德有隣

（移徙規模大
喬遷氣象新

（出谷歸仁里
安居勝義門

三千買得隣風古
一旦遷來地氣新

（惟德自爲隣明月清風幽共賞
輔仁長藉友青山綠水韻同分

泛用

欲增福壽惟行善
要好兒孫須讀書

（但將忠厚培元氣
雅有詩書發異香

治家以勤儉爲本
立身則孝弟當前

（創業尤難須節儉
守成不易莫奢華

百計不如寬讓好
千金難買子孫賢

（傳家萬事皆宜忍
教子千方不若勤

不作風波於世上
自無冰炭在胸中

廚房飯廳

蔬食菜羹山野味
大庖列鼎尙方珍

(廚中調美味
堂上晏嘉賓)

造化普施舉箸勿忘飽德
勤儉節用設餐不必膏粱

(大烹能享聖
菽水可承歡)

既肯甘心菲食 (精潔供甘旨
何妨弩力加餐 (豐隆體儉勤)

(虔設甘旨稱上壽
潔烹芬美進嘉賓)

承歡豈必爲麟脯
至孝須知鯉湧泉

倉房

三時不害豐年慶
萬寶告成大有歌

(有年歡慶多堆粟
未雨繆綢早積薪)

喜益人丁多貯粟
恐連陰雨廣堆薪

車運斗量何非四十載旅餐瑪納
晨炊夕爨猶是五千人飽食餘零

園亭

名園依綠水 (春山當戶碧
小池淡月天留亮)

野竹上青霄

(秋水遶亭幽)

(仄徑幽花地着香)

半窗明月吟詩夜

(竹風分綠琴書潤)

滿座清風對酒時

(花片飛紅枕簟香)

左右樓臺先得月

(簾外溪山呈雅趣)

高低竹樹半留雲

(池邊花草發天機)

馬廐

宿艸能肥馬

春溪可浴駒

車棚

成名惟執御
緩步盍乘車

(士可執鞭非下役
交因戴笠擅高風)

貿易

陶朱新事業

(生財從大道
處世守中和)

(似水財源廣
如雲生意多)

端木舊生涯

生意如春意

財源似水源

(固是交遊唯道義
須知貿易有經權)

湖海客來談貿易

(貿易豈無廊廟志
權衡須用聖賢心)

縉紳人至講唐虞

公道由來平物價
春風到處解人頤
交易中却無市氣
談笑裡還帶書香
守義以經營玉積金堆不比浮雲富貴
秉公而貿易貨真價實依然達士風流
交以道接以禮一團和氣
近者悅遠者來四海春風
經之營之持其志無暴其氣

(經營暫試經綸手
喻利常存喻義心
利如曉日騰雲起
財似春潮送雨來)

悠也久也敏於事而慎於言

溫良恭儉讓讓中方取利
仁義禮智信信內可求財

(貿易中春風和氣
權衡上白日青天)

兩盤如日月
數點似星辰

農家

鑿井耕田只是爲農好
茹菜飯饌何如終隱高

終